



SLUŽBENI GLASNIK GRADA VISOKO

GODINA LIV

Visoko, četvrtak 6. februar 2020. godine

BROJ 01

01.

Na osnovu člana 36. i 37. Zakona o principima lokalne samouprave u Federaciji BiH ("Službene novine Federacije BiH" broj 49/06 i 51/09) i člana 10. Privremene Statutarne odluke Grada Visoko ("Službeni glasnik Općine Visoko" broj 5/19), Gradsko vijeće Visoko, na 6. sjednici održanoj 31.01.2020.godine, donijelo je:

ODLUKU

o gradskim administrativnim taksama

I – OPĆE ODREDBE

Član 1.

Gradske administrativne takse (u daljem tekstu: takse) plaćaju se gradskim službama za upravu i drugim službama i organima, kao i drugim pravnim licima na koja su prenesena javna ovlaštenja iz nadležnosti Grada.

Član 2.

Spisi i radnje za koje se plaća taksa, kao i visina takse utvrđuje se taksenom tarifom, koja je sastavni dio ove odluke.

Član 3.

Gradske administrativne takse se plaćaju taksenim markama, a do emitiranja taksenih maraka, administrativne takse će se plaćati u gotovom novcu u Centru za pružanje usluga Grada ili uplatom na transakcijski račun Grada.

Taksene marke će se štampati u apoenima od 1 KM, 2 KM, 5 KM i 10 KM.

Distribucija i prodaja taksenih maraka vršit će se posredstvom ovlaštenih distributera.

Takse koje iznose više od 10 KM plaćat će se uplatom na transakcijski račun budžeta Grada.

Član 4.

Takseni obveznik je lice po čijem zahtjevu se pokreće postupak, odnosno obavlja radnja propisana ovom odlukom.

Ako za istu taksu postoje dva ili više obveznika njihova obaveza je solidarna.

Član 5.

Taksena obaveza nastaje:

1. za podnesak kada se predaje, a za podnesak predat na zapisnik kada je zapisnik sastavljen,
2. za rješenja i druge isprave u trenutku podnošenja zahtjeva za njihovo izdavanje,
3. za pravne radnje podnošenjem zahtjeva za vršenje tih radnji.

Član 6.

Taksa se plaća u trenutku nastanka taksene obaveze, ako za pojedine slučajeve nije drugačije propisano.

Član 7.

Ako je taksenom tarifom propisano da se taksa plaća prema vrijednosti predmeta, kao osnovica za obračunavanje takse uzima se vrijednost naznačena u podnesku ili ispravi ili vrijednost utvrđena procjenom organa koji vodi postupak.

Član 8.

Kada se zahtjev za utvrđivanje akta o utvrđivanju uslova za obavljanje djelatnosti privrednog društva odnosi na više djelatnosti, taksa se plaća prema onoj djelatnosti za koju je utvrđen najveći iznos.

Član 9.

Kada se isprava za koju se plaća taksa po zahtjevu stranke izdaje u dva ili više primjeraka, za drugi i svaki slijedeći primjerak plaća se taksa, kao i za prijepis ili ovjeru prijepisa.

Taksa iz stava 1. ovog člana ne može biti veća od takse za prvi primjerak.

Član 10.

Ako stranka neposredno ili poštom podnese podnesak za koji taksa nije plaćena ili je nedovoljno plaćena, organ nadležan za odlučivanje po podnesku, pozvaće taksenog obveznika opomenom, da u roku od 15 dana od dana prijema opomene plati taksu i taksu za opomenu.

Ako stranka ne plati taksu po opomeni, nadležni organ provest će i okončati postupak po podnesku iz stava (1) ovog člana, ali rješenje ili drugi akt ne može biti uručen stranci prije nego što plati redovnu taksu i taksu po opomeni. Voditelj postupka dužan je da po službenoj dužnosti vodi računa o uplati administrativne takse.

Član 11.

Spisi i radnje u postupcima koji se vode po službenoj dužnosti ne podliježu plaćanju takse.

II – OSLOBADANJE OD PLAĆANJA TAKSE**Član 12.**

Od plaćanja administrativne takse oslobođeni su:

1. Bosna i Hercegovina, Federacija BiH, kantoni, jedinice lokalne samouprave i njihovi organi i mjesne zajednice na osnovu pismenog akta,
2. Strana diplomatska i konzularna predstavništva u diplomatskim i konzularnim poslovima pod uvjetima reciprociteta,
3. Javne ustanove u oblasti odgoja i obrazovanja, nauke, kulture, informisanja, zaštite kulturne baštine, zdravstva, veterinarstva, socijalne zaštite, humanitarne i dobrotvorne organizacije, sportski klubovi i vjerske zajednice u obavljanju svoje djelatnosti,
4. Organizacije, savezi i udruženja osnovani za zaštitu lica sa fizičkim i psihičkim nedostacima i poremećajima za spise i radnje u vezi sa vršenjem djelatnosti, savezi, organizacije i udruženja ratnih vojnih invalida, porodica šehida i poginulih boraca i demobilisanih boraca za spise i radnje u vezi sa vršenjem djelatnosti,
5. Privredna društva za zapošljavanje lica sa invaliditetom koja imaju utvrđen status društva za zapošljavanje lica sa invaliditetom , a na osnovu rješenja Ministarstva za rad i socijalnu politiku

FBiH,(privredna društva koja imaju sjedište na području Grada Visoko/.

6. Udruženja , savezi i organizacije u postupcima izdavanja odobrenja za zauzimanje javnih površina, u svrhu promocije aktivnosti koje se odnose na unaprijeđenje kulture, ekologije, zdravstva i drugih aktivnosti od značaja za lokalnu zajednicu,

7. Lica koja se nalaze van radnog odnosa i koja imaju prebivalište na području Grada Visoko u postupku zasnivanja radnog odnosa /prijava na konkurs,oglas/ -dokaz – Lična karta, uvjerenje Biroa za zapošljavanje Visoko,

8. Učenici i studenti koji imaju prebivalište na području Grada Visoko za vrijeme redovnog školovanja- dokaz – đaćka knjižica, indeks ili uvjerenje,

9. Korisnici redovne socijalne pomoći Centra za socijalni rad Visoko – dokaz: rješenje ili potvrda Centra za socijalni rad Visoko,

10. Dobitnik ratnog priznanja ili odlikovanja, ratni vojni invalid, član porodice šehida, poginulog, umrlog, nestalog branioca, član porodice šehida, poginulog, umrlog, nestalog branioca kojima je prestalo pravo na porodičnu invalidninu regulisano važećim zakonskim propisima, član porodice umrlog ratnog vojnog invalida i nezaposleni demobilisani branilac – dokaz – uvjerenje nadležne službe,

11. Djeca demobilisanih branilaca u postupku pribavljanja dokumentacije u cilju stipendiranja i pomoći u školovanju – dokaz –uvjerenje nadležne službe,

12. Bivši logoraši uz člansku kartu jednog od udruženja logoraša u Bosni i Hercegovini,

13. Invalidi rada i ostali invalidi koji imaju prebivalište na području Grada Visoko sa procentom invalidnosti preko 60%- dokaz: lična karta, uvjerenje,

14. Penzioneri sa najnižom penzijom koji imaju prebivalište na području Grada Visoko – dokaz; ček od penzije,

15. Dobrovoljni davaoci krvi, koji su krv darovali dvadeset i više puta i koji imaju prebivalište na području Grada Visoko-dokaz; knjižica dobrovoljnih davalaca)

Član 13.

Kada je postupak pokrenut od strane više lica od kojih su neka oslobođena od plaćanja takse, taksu u tom postupku plaća samo građanin koji nije oslobođen od plaćanja takse.

Član 14.

Od takse su oslobođeni slijedeći spisi i radnje:

1. u postupku za povrat nepravilno naplaćenih dažbina,

2. u postupku za upis u knjigu državljana,

3. prijave i upis u matične knjige,

4. u postupku za ispravku grešaka u rješenjima, drugim ispravama i službenim evidencijama,

5. za ostvarivanje prava iz zdravstvenog, penzionog i invalidskog osiguranja i socijalne i dječije zaštite,

6. u postupku za ostvarivanje prava boraca i ratnih vojnih invalida i rješavanje statusa izbjeglica i raseljenih lica,

7. zahtjevi upućeni organima za predstavljanje i pritužbe,

8. u postupku za ostvarivanje radnog i penzijskog staža,

9. radnje u postupku u vezi sa zaštitom spomenika kulture,

10. u postupku za sahranu umrlih lica,

11. radnje u vezi sa zasnivanjem radnog odnosa, ostvarivanje prava iz radnog odnosa,

12. u postupku stavljanja pod starateljstvo maloljetne djece i punoljetnih lica lišenih poslovne sposobnosti,

13. diplome, svjedodžbe i uvjerenja u postupku sticanja obrazovanja u osnovnim, srednjim školama i visokoškolskim institucijama,

14. u vezi sa civilnom zaštitom,

15. u postupku za izdavanje i zamjenu ličnih karata.

Član 15.

U ispravama koje su oslobođene od plaćanja takse moraju se označiti u kom se cilju izdaju i na osnovu kojeg su propisa oslobođene od plaćanja takse.

Za korištenje podataka i vršenje usluga u oblasti premjera zemljišta, katastra nekretnina i katastra komunalnih uređaja, propisane su posebne naknade i za iste se ne mogu naplaćivati administrativne takse.

III – PRISILNA NAPLATA, POVRAT TAKSE I NADZOR NAPLATE

Član 16.

Prisilna naplata takse se vrši po propisima o prisilnoj naplati poreza građana, odnosno po propisima o prisilnoj naplati poreza od pravnih lica.

Član 17.

Lice koje je platilo taksu, a koju nije bilo dužno da plati, ili je platilo taksu u iznosu većem od propisanog, kao i lice koje je platilo taksu, a radnja za koju je platilo taksu iz bilo kojih razloga nije izvršena, ima pravo na povrat takse.

Postupak za povrat takse pokreće se po zahtjevu stranke.

Rješenje o povratu takse donosi organ kome je taksa plaćena.

Povrat takse se vrši na teret prihoda Budžeta Grada Visoko.

Član 18.

Pravo na naplatu takse zastarijeva za dvije godine nakon isteka godine u kojoj je taksu trebalo naplatiti, a pravo na povrat takse zastarijeva za dvije godine nakon isteka godine u kojoj je taksa naplaćena.

Vrijeme zastarijevanja prava na naplatu takse prekida se svakom službenom radnjom nadležnog tijela izvršenom kod naplate koja je stavljena do znanja taksenom obvezniku.

Vrijeme zastarijevanja prava na povrat takse prekida se svakom radnjom taksenog obveznika poduzetom kod nadležnog tijela radi povrata takse.

Član 19.

Nadzor nad primjenom odredaba ove odluke vrši Služba za finansije, privredu i društvene djelatnosti Grada Visoko.

Unutrašnju kontrolu primjene Odluke o administrativnim taksama vrši svaki organ,

odnosno službe, u obavljanju svojih djelatnosti.

IV – PRELAZNE I ZAVRŠNE ODREDBE

Član 20.

Stupanjem na snagu ove odluke prestaje da važi Odluka o općinskim administrativnim taksama (“Službeni glasnik općine Visoko”, broj: 1/12 i 6/14)

Član 21

Sastavni dio ove odluke je prilog Tarifa gradskih administrativnih taksi.

Član 22.

Ova odluka stupa na snagu osmog dana od dana objavljivanja u “Službenom glasniku Grada Visoko”.

Broj: 01/1-02-17/20
Datum:31.01.2020.
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

TARIFA GRADSKIH ADMINISTRATIVNIH TAKSI

I - PODNESCI

Tarifni broj 1.

Na zahtjeve, molbe, prijedloge, prijave i druge podneske,

ako ovim tarifama nije propisana druga taksa
plaća
se.....3,00 KM

NAPOMENA: Taksa po ovom Tarifnom broju ne plaća se na naknadne podneske kojima stranka zahtijeva samo brže postupanje po ranije podnijetom zahtjevu.

Tarifni broj 2.

Za žalbu protiv rješenja iz člana 1. Odluke.....10,00 KM

Opomena kojom se neko poziva da plati dužnu taksu.....5,00 KM

II – RJEŠENJA

Tarifni broj 3.

Za sva rješenja za koja nije propisana posebna taksa, a koja se donose u skraćenom postupku.....15,00 KM

Za sva rješenja za koja nije propisana posebna taksa, a koja se donose u posebnom ispitnom postupku.....30,00 KM

NAPOMENA:

1. Ako se donosi jedno rješenje po zahtjevu više lica, taksa po ovom tarifnom broju plaća se onoliko puta koliko ima lica kojim se rješenje uručuje.

2. Za rješenja donesena po žalbama ne plaća se taksa.

Tarifni broj 4.

DJELATNOST	IZNOS TAKSE	
	PRAVNA LICA	FIZIČKA LICA
1. DJELATNOSTI IZ OBLASTI TRGOVINE		
Trgovačka radnja		100,00 KM
Specijalizirana prodavnica		100,00 KM
Samoposluga		120,00 KM
Dragstor		100,00 KM
Diskontna prodavnica		100,00 KM
Butik		100,00 KM
Robna kuća		200,00 KM
Kiosk		100,00 KM
Pokretna prodavnica (kombi prodaja)		100,00 KM
Automati		50,00 KM
Skladišta		100,00 KM
Trgovina na malo ličnim radom (trgovac pojedinac)		50,00 KM
Ostala nepomenuta trgovina na malo		100,00 KM
2. UGOSTITELJSKA DJELATNOST		
2.1. SKUPINA “RESTORANI”		
Restorani	100,00 KM	80,00 KM
Salon za posebne prilike	100,00 KM	80,00 KM
Gostionica	100,00 KM	80,00 KM
Zdravljak	100,00 KM	80,00 KM
Zalogajnica	100,00 KM	80,00 KM
Čevabdžinica	100,00 KM	80,00 KM
Aščinica	100,00 KM	80,00 KM
Buregdžinica	100,00 KM	80,00 KM
Pečenjarnica	100,00 KM	80,00KM
Pizzeria	100,00 KM	80,00 KM
Bistro	100,00 KM	80,00 KM
Slastičarnica	100,00 KM	80,00 KM
Objekti brze prehrane (fast-food)	100,00 KM	80,00 KM
2.2. SKUPINA “BAROVI”		
Kafana	100,00 KM	80,00 KM
Bosanska kafana	100,00 KM	80,00 KM
Ljetna bašta	100,00 KM	80,00 KM
Noćni klub	200,00 KM	150,00 KM
Noćni bar	200,00 KM	150,00 KM
Disko-klub	200,00 KM	150,00 KM
Caffe-bar	100,00 KM	80,00 KM
Pivnica	100,00 KM	80,00 KM

Buffet	100,00 KM	80,00 KM
Krčma	100,00 KM	80,00 KM
Konoba	100,00 KM	80,00 KM
Klet	100,00 KM	80,00 KM
2.3. UGOSTITELJSKE USLUGE U DOMAĆINSTVU /sobe za smještaj u domaćinstvu, apartmani u domaćinstvu/ 2.4 UGOSTITELJSKI OBJEKTI IZ SKUPINE HOTELI	120,00 KM	50,00 KM 100,00 KM
2.4. OSTALE NEPOMENUTE UGOSTITELJSKE DJELATNOSTI I TURISTIČKE USLUGE	100,00 KM	80,00 KM
OBRT	PRAVNA LICA	FIZIČKA LICA
Obrt-uslužne djelatnosti		80,00 KM
Obrt-proizvodne djelatnosti		60,00 KM
SRODNE DJELATNOSTI		
Agencije za intelektualne usluge	120,00 KM	100,00 KM
Turističke agencije	120,00 KM	
Agencije za posredovanje u prometu roba i usluga	120,00 KM	
Agencije u drugim nepomenutim djelatnostima	120,00 KM	100,00 KM
Taxi prijevoz	200,00 KM	80,00 KM
Poljoprivredna djelatnost	80,00 KM	40,00 KM
Priredivači igara na sreću – saglasnost za obavljanje djelatnosti u prostorima uplatnih mjestu	100,00KM	80,00 KM
Kućna radinost i trad. obrti		30,00 KM
Benzinske pumpe		200,00 KM
Banke i bankarske organizacije, mjenjačnice	120,00 KM	100,00 KM
PRIJEVOZNIČKA DJELATNOST		
Prijevoz stvari (autoprijevoz)	200,00 KM	80,00 KM
Prijevoz stvari za vlastite potrebe	100,00 KM	50,00 KM
UTVRĐIVANJE NAKNADE ZA PROVOĐENJE POSTUPKA USKLAĐIVANJA I REGISTRACIJE REDOVA VOŽNJE NA OPĆINSKIM LINIJAMA	PRAVNA LICA	FIZIČKA LICA

Stari red vožnje – za svaki polazak i za svaki povratak	60,00 KM	
Stari red vožnje sa promjenom – za svaki polazak i za svaki povratak	120,00 KM	
Novi red vožnje – za svaki polazak i za svaki povratak	300,00 KM	
Visina akontacije za troškove rješavanja prigovora uložениh na postupak usklađivanja redova vožnje na općinskim linijama	300,00 KM	
POLJOPRIVREDA I VODOPRIVREDA	PRAVNA LICA	FIZIČKA LICA
VODOPRIVREDA		
Zahtjev za izdavanje prethodne vodne saglasnosti	50,00 KM	30,00 KM
Zahtjev za izdavanje vodne saglasnosti	50,00 KM	30,00 KM
Zahtjev za izdavanje vodne dozvole	50,00 KM	30,00 KM
POLJOPRIVREDA		
Zahtjev za upis u Registar poljoprivrednih gazdinstava i Registar klijenata	10,00 KM	5,00 KM
ZAHTJEVI	PRAVNA LICA	FIZIČKA LICA
Zahtjev za privremenu odjavu obavljanja djelatnosti	30,00KM	20,00 KM
Zahtjev za izdavanje odobrenja o stalnom prestanku rada	40,00 KM	10,00 KM
Zahtjev za promjenu sjedišta	80,00 KM	40,00 KM
Zahtjev za izmjenu rješenja za taxi djelatnost	50,00 KM	25,00 KM
Zahtjev za izmjenu rješenja prevoza stvari i prevoza stvari za vlastite potrebe	50,00 KM	25,00 KM
Zahtjev za usklađivanje rješenja sa zakonom	80,00 KM	40,00 KM
Zahtjev za uvjerenje o činjenicama iz službene evidencije	10,00 KM	10,00 KM
Zahtjev za izdavanje saglasnosti za produženo radon vrijeme	10,00 KM po danu za koji se produženje radnog vremena traži	10,00 KM po danu za koji se produženje radnog vremena traži
Zahtjev za ovjeru cjenovnika ugostiteljske djelatnosti	10,00 KM	5,00 KM
Zahtjev za ovjeru normativa ugostiteljske djelatnosti	10,00 KM	5,00 KM

Tarifni broj 5.

1. Za održavanje turnira u malom nogometu
uplaćuje se100,00 KM

- Za održavanje javnih skupova (koncerti,
teferiči i sl.)50,00 KM

Tarifni broj 6.

1. Zahtjevi za sprovodnicu20,00 KM

Visina takse na izjavljenu žalbu po
rješenju.....10,00 KM

III – UVJERENJE**Tarifni broj 7.**

Za uvjerenja koja izdaju organi na osnovu
činjenica sa kojima raspolažu ako nije
drugačije propisano plaća se taksa u iznosu
od.....10,00 KM

Za internacionalne izvode iz matične knjige
rođenih, matične knjige umrlih i matične
knjige vjenčanih, plaća se taksa u iznosu od
.....10,00 KM

Za izdavanje kućne liste za inostranstvo
.....10,00 KM

Za ovjeru i izdavanje potvrde licima koji
privremeno rade u inostranstvu o
uzdržavanju članova porodičnog
domaćinstva na području Grada Visoko
.....15,00 KM

Osim: izvoda iz matične knjige rođenih,
izvoda iz matične knjige vjenčanih listova i
izvoda iz matične knjige umrlih i uvjerenja
o državljanstvu, za čije izdavanje se plaća
.....3,00 KM

Tarifni broj 8.

Za korištenje predmeta iz arhive (fotokopija
i prepis akata) iz ranijih godina:

1. do pet godina10,00 KM

2. preko pet godina.....20,00 KM

NAPOMENA: U navedenu cijenu su
uračunati troškovi umnožavanja do deset
listova (1 list = dvije stranice). Za svaki
naredni list (preko deset listova) plaća se
..... 0,50 KM

IV – OVJERE, POTPISI I PRIJEVODI**Tarifni broj 9.**

Za ovjeru potpisa, rukopisa i prijepisa

1. Za ovjeru svakog potpisa2,00 KM

2. Za ovjeru autentičnosti rukopisa ili
ovjeru prijepisa formata A-4 originala i
ovjeru kopije rješenja o registraciji
privrednog društva od 1 do 5 stranica
.....2,00 KM
, a za svaki sljedeći polutabak1,00 KM

3. Za ovjeru kopije rješenja o registraciji
privrednog društva koje ima više od 5
stranica.....8,00 KM

4. Za ovjeru autentičnih rukopisa ili potpisa
na punomoć.....4,00 KM

5. Za ovjeru kopije lične karte, putne
isprave, vozačke dozvole, potvrde o
vlasništvu vozila i potvrde o registraciji
vozila.....1,00 KM

6. Za ovjeru van zgrade gradske uprave po
zahtjevu stranke napropisanom obrascu
.....10,00 KM

NAPOMENA: Stranka obezbjeđuje
prijevoz za službenika

7. Za svaku fotokopiranu stranicu
standardne veličine koja prelazi deset prvih
besplatnih stranica u skladu sa Zakonom o
slobodi pristupa informacijama u FBiH
..... 0,50 KM

Tarifni broj 10.

Za ovjeru plana, osim katastarskog plana
.....1,00 KM

Tarifni broj 11.

Za ovjeru heliografske kopije plana (crteža)
plaća se od cijelog ili započetog m²
.....1,00 KM

Tarifni broj 12.

1. Za ovjeru kopije plana veličine formata
A-4 na propisanom obrascu5,00 KM

Za ovjeru kopije plana veličine preko
formata A-4 plaća se, osim osnovne takse
za jedan format A-4, još onoliko puta po
5,00 KM koliko je kopija plana veća od
jednog formata A-4.

2. Za ovjeru prepisa i izvoda iz katastra
nekretnina plaća se taksa prema broju
tabele obrasca korišćenog za prijepis i to:

a) za prvi format (katastarski obrazac)
..... 5,00 KM

b) za svaki dalji format20,00 KM

3. Za ovjeru planova izrađenih od
ovlaštenih institucija za vršenje geodetskih
radova ili geodetskih stručnjaka, plaća se
taksa po tački 1. ovog tarifnog broja.

NAPOMENA: 1. Započeti format A-4
kopija plana, odnosno započeti format
(katastarski obrazac), računa se kao cio.

V – GRAĐEVINSKE TAKSE**Tarifni broj 13.**

Za akte kojima se daju urbanističko-
tehnički uslovi:

1. Po svakom podnesenom zahtjevu za
izdavanje urbanističke saglasnosti ili

lokacijske informacije, odobrenja za
građenje, izmjenu i/ili dopunu odobrenja za
građenje, načelnog odobrenja za građenje i
odobrenja za dijelove te građevine,
odobrenja za upotrebu ili rješenje o
završetku građevine i uklanjanje
građevine.....40,00 KM

2. Za stambeno-poslovne objekte iznos
od.....50,00 KM

3. Za poslovne objekte.....70,00 KM

4. Za infrastrukturne i druge
objekte.....50,00 KM

5. Za izvode i uvjerenja koja se odnose na
prostorno - plansku dokumentaciju
.....40,00 KM

Po svakom podnesenom zahtjevu za
izdavanje urbanističke saglasnosti i
odobrenja za legalizaciju bespravno
izgrađenih objekata.....200,00 KM

Tarifni broj 14.

1. Sklapanje braka u toku radnog vremena u
prostorijama KC „ALTINDAG“ Visoko
(četvrtak od 8 do 15,30 sati).....30,00 KM

2. Sklapanje braka van radnog vremena u
prostorijama KC „ALTINDAG“ Visoko
(četvrtak od 16,00 do 19 sati).....50,00 KM

3. Sklapanje braka danom subota u
prostorijama KC „ALTINDAG“ (od 8 do
19 sati)50,00 KM

4. Sklapanje braka danom subota van
prostorija KC „ALTINDAG“100,00 KM

5. Sklapanje braka danom subota van
prostorija KC „ALTINDAG“ (od 19 sati)
.....150,00 KM

NAPOMENA: Sklapanje braka drugim
danima, odnosno na drugom mjestu,

matičar-državni službenik može odobriti ukoliko za to postoje opravdani razlozi.

Za zaključenje braka četvrtkom, u toku radnog vremena, nepokretnih lica u stanu ne plaća se naknada.

02.

Na osnovu člana 66. Zakona o građevinskom zemljištu Federacije BiH („Službene novine FBiH“, broj: 25/03, 16/04 i 67/05), člana 40. Odluke o građevinskom zemljištu („Službeni glasnik općine Visoko“, broj: 12/17 i 1/19) i člana 10. Privremene statutarne odluke Grada Visoko („Službeni glasnik općine Visoko“, broj: 5/19), Gradsko vijeće Visoko, na 6.sjednici, održanoj 31.01.2020. godine, donijelo je:

ODLUKU

o visini prosječne konačne građevinske cijene 1 m² korisne površine stambenog prostora na području Grada Visoko za 2020. godinu

Član 1.

Ovom odlukom određuje se visina prosječne konačne građevinske cijene 1 m² korisne površine stambenog prostora na području Grada Visoko za 2020. godinu.

Član 2.

Prosječna konačna građevinska cijena 1 m² korisne površine stambenog prostora na području Grada Visoko iznosi 690,00 KM.

Član 3.

Prosječna konačna građevinska cijena 1 m² korisne površine stambenog prostora, utvrđena u članu 2. ove odluke, služi kao osnov za obračun naknade za pogodnost korištenja i uređenje gradskog građevinskog zemljišta i ostalog

građevinskog zemljišta na području Grada Visoko.

Član 4.

Stupanjem na snagu ove odluke prestaje da važi Odluka o visini prosječne konačne građevinske cijene 1 m² korisne površine stambenog prostora na području općine Visoko za 2019. godinu („Službeni glasnik općine Visoko“, broj: 1/19).

Član 5.

Ova odluka stupa na snagu osmog dana od dana objavljivanja u „Službenom glasniku Grada Visoko“.

Broj: 01/1-02-18/20
Datum: 31.01.2020. godine
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

03.

Na osnovu člana 63. Zakona o građevinskom zemljištu Federacije BiH („Službene novine FBiH“, broj: 25/03, 16/04 i 67/05) i člana 10. Privremene statutarne odluke Grada Visoko („Službeni glasnik općine Visoko“, broj: 5/19), Gradsko vijeće Visoko, na 6.sjednici, održanoj 31.01.2020. godine, donijelo je:

ODLUKU

o izmjenama i dopunama Odluke o građevinskom zemljištu

Član 1.

U Odluci o građevinskom zemljištu („Službeni glasnik općine Visoko“, broj: 12/17 i 1/19) u članu 41. iza stava 2. dodaje se stav 3. koji glasi:

„Kod izgradnje poslovnih, proizvodnih, skladišnih, pomoćnih i poljoprivrednih objekata naknada za pogodnost korištenja građevinskog zemljišta - renta po zonama se

umanjuje i to: 40 % za površinu objekata od 500,00 m² - 1000,00 m² , odnosno 60% za površinu objekata veću od 1000 m².“.

Član 2.

Ova Odluka stupa na snagu danom objavljivanja u „Službenom glasniku Grada Visoko“.

Broj: 01/1-02-19/20
Datum:31.01.2020.godine
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

04.

Na osnovu člana 63. Zakona o građevinskom zemljištu Federacije BiH („Službene novine FBiH“, broj: 25/03, 16/04 i 67/05) i člana 10. Privremene statutarne odluke Grada Visoko („Službeni glasnik općine Visoko“, broj: 5/19), Gradsko vijeće Visoko na 6. sjednici, održanoj 31.01.2020. godine, donijelo je :

ODLUKU

o izmjenama i dopunama Odluke o visini i načinu plaćanja naknada za pogodnost korištenja i uređenje gradskog i ostalog građevinskog zemljišta na području

Grada Visoko

Član 1.

U Odluci o visini i načinu plaćanja naknada za pogodnost korištenja i uređenje gradskog i ostalog građevinskog zemljišta na području Grada Visoko („Službeni glasnik općine Visoko“, broj: 12/17 i 1/19) u članu 2. iza stava 1. dodaje se stav 2. koji glasi:

„Visina naknade za pogodnost korištenja građevinskog zemljišta po 1m² korisne površine za izgradnju poslovnih, proizvodnih, skladišnih, pomoćnih i poljoprivrednih objekata po zonama se umanjuje i to: 40 % za površinu objekata

od 500,00 m² - 1000,00 m² , odnosno 60% za površinu objekata veću od 1000 m².“

Stavovi 2. i 3. postaju stavovi 3. i 4.

Član 2.

Ova odluka stupa na snagu danom objavljivanja u „Službenom glasniku Grada Visoko“

Broj: 01/1-02-20/20
Datum:31.01.2020.godine
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

05.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06) i člana 10. Privremene statutarne odluke Grada Visoko („Službeni glasnik Grada Visoko“, 05/19), Gradsko vijeće Visoko, na 6.sjednici, održanoj 31.01. 2020. godine, d o n i j e l o j e:

ODLUKU

o izmjenama i dopunama Odluke o osnovama i kriterijima za utvrđivanje i davanje olakšica pri plaćanju naknade za pogodnost korištenja građevinskog zemljišta i naknade za uređenje gradskog građevinskog zemljišta na području
Grada Visoko

Član 1.

U Odluci o osnovama i kriterijima za utvrđivanje i davanje olakšica pri plaćanju naknade za pogodnost korištenja građevinskog zemljišta i naknade za uređenje gradskog građevinskog zemljišta na području općine Visoko („Službeni glasnik Općine Visoko“, broj: 02/07 i 04/09) u cijelom tekstu vrši se izmjena,

tako da umjesto riječi „općina“ treba da stoji riječ „grad“.

Član 2.

U članu 4. tačka a) mijenja se i glasi:

„Invalidi 100% I i II grupe, dobitnici najvećih ratnih priznanja i njihovi pravni sljedbenici, članovi porodica šehida i poginulih boraca (roditelji, supruge i djeca) 5% iznosa od naknade utvrđene rješenjem nadležne gradske službe“.

U članu 4. tačka b) mijenja se i glasi:

„Invalidi 90 % III grupe 10% iznosa od naknade utvrđene rješenjem nadležne gradske službe“.

Član 3.

U članu 5. navedene Odluke dodaje se stav 3. koji glasi: „Odredbama ovog člana obuhvaćeni su i članovi porodica šehida i poginulih boraca kojima je prestalo pravo na porodičnu invalidninu regulisano vežećim zakonskim propisima“.

Član 4.

Ova Odluka stupa na snagu danom objavljivanja u „Službenom glasniku Grada Visoko“.

Broj: 01/1-02-21/20
Datum:31.01.2020.godine
Visoko

PREDSJEDAVAJUĆI
Gradskog vijeća Visoko
Bajro Fejić, prof, s.r

06.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br. 49/06), člana 10. Privremene statutarne odluke Grada Visoko ("Službeni glasnik Općine Visoko", broj 5/19), čl. 4 stav 2., čl. 11 i 15. Odluke o davanju u zakup poslovnih prostora kojima pravo raspolaganja ima Općina Visoko ("Službeni

glasnik Općine Visoko", br. 9/17, 3/18, 6/18 i "Službeni glasnik Grada Visoko", broj 1/19), Gradsko vijeće Visoko, na 6.sjednici, održanoj 31.01. 2020. godine, d o n i j e l o j e:

ODLUKU

o dodjeli na korištenje/zakup Poreskoj ispostavi Visoko nekretnine k.č. 1613/E2 KO Visoko

Član 1.

Gradsko vijeće Visoko dodjeljuje Poreznoj upravi Federacije BiH - Kantonalni porezni ured Zenica, Porezna ispostava Visoko na korištenje/zakup, direktno bez provođenja javnog konkursa, u naravi poslovni (kancelarijski) prostor, upisan u zemljišnoknjižnoj evidenciji u KO Visoko kao k.č. 1613/E2, jednosoban stan površine 52 m2 sa pravom raspolaganja u korist Općine Visoko, za potrebe obavljanja redovne djelatnosti Porezne ispostave Visoko.

Član 2.

Ovlašćuje se Gradonačelnica Amra Babić da može zaključiti ugovor o korištenju/zakupu poslovnih prostorija bliže opisanih u članu 1. ove Odluke u trajanju jedne godine sa mogućnošću produženja, po cijeni zakupa 2 KM po m2 mjesečno, uz obavezu zakupca da izmiruje obaveze plaćanja po osnovu utroška električne energije, vode, odvoza smeća i komunalne naknade, kao i da izmiri sve zaostale obaveze po navedenim osnovama nastale u periodu od ulaska u posjed navedenog prostora do dana zaključenja ugovora.

Član 3.

Zadužuje se Služba za urbanizam, stambene, geodetske poslove i katastar

nekretnina za praćenje i realizaciju ugovora
o zakupu.

Član 4.

Ova odluka stupa na snagu danom
objavljivanja u "Službenom glasniku Grada
Visoko".

Broj: 01/1-02-22/20
Datum:31.01.2020.godine
Visoko

PREDSJEDAJUĆI
Gradskog vijeća Visoko
Bajro Fejzić, prof, s.r

S A D R Ź A J		Strana
I – GRADSKO VIJEĆE VISOKO		
01	Odluka o gradskim administrativnim taksama	01
02	Odluka o visini prosječne konačne građevinske cijene 1m2 korisne površine stambenog prostora na području Grada Visoko za 2020.godinu	11
03	Odluka o izmjenama i dopunama Odluke o građevinskom zemljištu	11
04	Odluka o i zmjenama i dopunama Odluke o visini i načinu plaćanja naknada za pogodnost korištenja i uređenja gradskog i ostalog građevinskog zemljišta na području Grada Visoko	12
05	Odluka o izmjenama i dopunama Odluke o osnovama i kriterijima za utvrđivanje olakšica pri plaćanju naknade za pogodnost korištenja građevinskog zemljišta i naknade za uređenje gradskog i ostalog građevinskog zemljišta na području Grada Visoko	12
06	Odluka o dodjeli na korištenje/zakup Poreskoj ispostavi Visoko nekretnine označene kao k.č.1613/E2 KO Visoko	13

Izdavač: Grad Visoko, ul. Alije Izetbegovića br. 12A, Visoko
Glavni i odgovorni urednik: Zekija Omerbegović, sekretar Gradskog vijeća, **Telefon:** 032/732-502
Štampa: Grafički obrt „REMIX“ Visoko, **Telefon:** +387 32 746 038, **Mob:** +387 61 780 698